



Aðalfundur Aftureldingar 2020

9. júní 2020 – Fundur haldinn í Hlégarði Mosfellsbæ

- Fundargerð –

Fundur hófst kl. 18.00

1. Fundarsetning

Birna Kristín Jónsdóttir, formaður aðalstjórnar Aftureldingar, bauð fundargesti velkomna til fundarins.

2. Kosning fundarstjóra og fundarritara

Stungið upp á Hafsteini Pálssyni sem fundarstjóra og Hönnu Björk Halldórsdóttur sem fundarritara. Einróma samþykkt af fundarmönnum. Þau tóku þá þegar til starfa og tók Hafsteinn við fundarstjórn.

3. Ársskýrsla stjórnar

Birna Kristín formaður kynnti ársskýrslu Aftureldingar. Annað árið í röð er ársskýrslan á rafrænu formi og má nálgast í heild.sinni.á.2019.afturelding.is. Boðið var upp á umræðu um skýrslu stjórnar en enginn kvaddi sér hljóðs. Birna Kristín fór yfir árið 2019 og rifjaði upp marga góða sigra og skemmtilegar minningar. Einnig teygði hún sig inn í árið 2020 og hrósaði þjálfurum, sjálfboðaliðum og starfsfólki fyrir vel unnin störf á mjög svo öðruvísi og skrítnum tímum vegna COVID-19.

4. Ársreikningur 2019

Sigurður Rúnar Magnússon, gjaldkeri Aftureldingar, kynnti ársreikning aðalstjórnar Aftureldingar og einnig samstæðureikning Aftureldingar í heild sinni.

Ársreikning aðalstjórnar má sjá í rafrænni ársskýrslu Aftureldingar: 2019.afturelding.is

Boðið var upp á umræðu um ársreikning en enginn kvaddi sér hljóðs. Ársreikningur var samþykktur með öllum greiddum atkvæðum.

5. Fjárhagsáætlun 2020

Sigurður Rúnar Magnússon, gjaldkeri Aftureldingar, kynnti fjárhagsáætlun 2020. Sigurður Rúnar tók fram að allt sé í töluverðri óvissu vegna COVID-19. Gert er ráð fyrir tekjum upp á 322.164.000 kr. og gjöldum upp á 322.686.000 kr. og er því tap upp á 522.000 kr.

Guðrún Kristín Einarsdóttir formaður blakdeildar Aftureldingar spyr hvort að eðlilegt sé að gera fjárhagsáætlun með halla. Sigurður Rúnar svara því að þegar til sé peningur þá sé það eðlilegt. Íþróttafélagið á ekki að safna upp sjóði.

Fundarstjóri gaf orðið laust vegna fjárhagsáætlunarinnar. Fjárhagsáætlun samþykkt samhljóða.

6. Lagabreytingar

Birna Kristín, formaður leggur til eftirfarandi breytingar:

Tillögur að lagabreytingum eru eftirfarandi:

7.grein.

Aðalfundur félagsins, fundartími og boðun.

Aðalfundur félagsins skal haldinn á tímabilinu 15. mars til 15. apríl ár hvert. Fundarboð skal auglýsa opinberlega með fjögurra vikna fyrirvara. Frestur til að leggja inn framboð til stjórnarsetu og tillögur að lagabreytingum skal vera innan tveggja vikna frá dagsetningu aðalfundarboðs. Framboðum og tillögum skal skila á skrifstofu félagsins. Aðalfundurinn telst lögmætur, ef löglega er til hans boðað.

Verður

Aðalfundur félagsins, fundartími og boðun.

Aðalfundur félagsins skal haldinn á tímabilinu 15. mars til 15. apríl ár hvert. Fundarboð skal auglýsa opinberlega með tveggja vikna fyrirvara. Frestur til að leggja inn framboð til stjórnarsetu og tillögur að lagabreytingum skal vera innan viku frá dagsetningu aðalfundarboðs. Framboðum og tillögum skal skila til framkvæmdastjóra á skrifstofu félagsins. Aðalfundurinn telst lögmætur, ef löglega er til hans boðað.

16. grein.

Deildir.

Hver deild skal hafa stjórn og starfa samkvæmt sérstakri reglugerð sem samþykkt er af aðalstjórn félagsins. Einungis er keppt í greinum samþykkttra deilda. Í hverri deild skal skrá í sérstaka bók úrslit kappleikja og annað markvert sem fram fer innan deildarinnar. Í lok hvers starfsárs skal stjórn deildar gera samantekt um hið markverðasta sem síðan skal tekið inn í sameiginlega ársskýrslu félagsins.

Verður

Deildir.

Hver deild skal hafa stjórn og starfa samkvæmt sérstakri reglugerð sem samþykkt er af aðalstjórn félagsins. Einungis er keppt í greinum samþykkttra deilda. Í lok hvers starfsárs skal stjórn deildar gera samantekt um hið markverðasta sem síðan skal tekið inn í sameiginlega ársskýrslu félagsins.

18.grein.

Fjárhagur deilda.

4. Bókhald allra deilda skal vera í höndum aðalstjórnar. Deildir skulu skila af sér öllum reikningum fyrir 7. næsta mánaðar og skal bókhald vera fært og uppgert á samræmdu formi viku síðar. Þannig skal vera hægt að fá stöðu hvernar deildar svo til í rauntíma auk þess sem staða félagsins er alltaf skýr

Verður

4. Bókhald allra deilda skal vera í höndum aðalstjórnar.

19. grein.

Fjáraflanir.

Tilkynna skal fjáraflanir til aðalstjórnar áður en þær hefjast. Aðalstjórn heldur skrá yfir allar fjáraflanir á vegum félagsins og leitast við að samræma þær. Samþykki aðalstjórnar þarf fyrir nýrri fjáröflun.

Verður

Fjáraflanir.

Tilkynna skal fjáraflanir til íþróttafulltrúa félagsins áður en þær hefjast. Íþróttafulltrúi heldur skrá yfir allar fjáraflanir á vegum félagsins og leitast við að samræma þær.

Fundarstjóri gaf orðið laust til umræðu. Valdimar Leó fræðir fundin um 19. Grein laganna. Og útskýrir að fjáraflanir hafi á sínum tíma ekki verið nógu skipulagðar og allir væru að gera það sama. Liggur því vel við að starfsmaður sjái um þetta.

Borið undir fundinn, samþykkt samhljóma. Löggin eru lögð fram í heild sinni. Samþykkt samhljóða.

7. Heiðursviðurkenningar

Engar heiðursviðurkenningar í ár. Birna Kristín útskýrir að afmælisárið, árið 2019 hafi verið nýtt í í að veita fjölda viðurkenninga og ákveðið hafi því verið að sleppa því í ár.

8. Kosningar

a) Kosning formanns

Birna Kristín Jónsdóttir var ein í kjöri og var sjálfkjörin einróma.

b) Kosning tveggja stjórnarmanna til tveggja ár

Tveir aðilar voru í framboði til stjórnar. Sigurður Rúnar Magnússon situr áfram og en Reynir Ingi Árnason kemur nýr inn. Voru þeir báðir kjörin einróma í stjórn til tveggja ára.

c) Kosning eins varamanns stjórnartil tveggja ár

Einn aðili var í framboði til varamanns, Lára Berglind Helgadóttir sem kemur ný inn í stjórn.

Aðalstjórn Aftureldingar 2020-2021 er því eftirfarandi:

Birna Kristín Jónsdóttir, formaður, Erla Edvardsdóttir, Sigurður Rúnar Magnússon, Geirarður Long, Gunnar Skúli Guðjónsson, Lára Berglind Helgadóttir og Reynir Ingi Árnason.

d) Kosning tveggja skoðunarmanna reikninga aðalstjórnar

Gerð tillaga um að Helga Jóhannesdóttir og Valdimar Leó Friðriksson verði áfram kjörin skoðunarmenn reikninga aðalstjórnar. Tillagan samþykkt einróma.

e) Kosning eins skoðunarmanns reikninga deilda

Gerð tillaga um Valdimar Leó Friðriksson sem skoðunarmann reikninga deilda. Samþykkt einróma.

9. Önnur mál og ávarp gesta

Haraldur Sverrisson bæjarstjóri Mosfellsbæjar ávarpaði gesti. Í ávarpi sínu þakkar hann félaginu og sjálfboðaliðum fyrir frábært og nauðsynlegt starf. Haraldur segir frá afmælisgjöf sem hann afhenti formanni Aftureldingar á 110 ára afmælinu árið 2019 en afmælisgjöfin var hugmyndavinna hönnuða að framtíðarskipulagi og uppbyggingu íþróttasvæðisins að Varmá, sem byggð verður á þarfagreiningu félagsins og framtíðarsýn Mosfellsbæjar. Efla vinnur þessa vinnu í samstarfi við bæinn og íþróttafélagið. Búist er við niðurstöðum frá Eflu á haustmánuðum 2020.

Hann nefnir einnig samstarfsvettvang Aftureldingar og Mosfellsbæjar sem var settur á í kjölfarið á íbúafundar árið 2018. Þessi vettvangur var settur á til að auka samskipti bæjarins og Aftureldingar.

Fundarstjóri býður Guðrúnu Kristínu Einarsdóttur í pontu.

Þrjú mál brenna á Guðrún Kristínu. Hún vill byrja á því að þakka fyrir nýtt gólf. Algjör bylting í blakstarfinu. Umtalað meðal blakfólks hversu gott er að spila blak á þessu gólfi. Lítið um hné- og bakmeiðsl eftir að nýtt gólf kom.

Vald íþróttakennaranna í íþróttahúsinu. Er búin að biðja um það í nokkur ár að tvö sett af rimlum verði fjarlægð til þess að setja súlurnar fram og hengja upp á vegg. Er gert í íþróttahúsum um allt land, sparar bæði pláss og tíma. Einnig óskar hún eftir veggjapláss fyrir blakiðkendur. En þeir yngstu þurfa að hafa vegg til að kasta í og vinna með. Allt veggjarpláss sem deildinni er lofað er fyllt af mörkum og netum. Alltaf stoppar þetta á íþróttakennurum bæjarins.

Óskir um fleiri formannafundi. Frábær vettvangur fyrir formenn til að hittast og ræða hlutina og koma sínum óskum á framfæri til aðalstjórnar.

Þriðja málið eru búningamál. Blakdeildin er ákaflega ósátt við þá búninga sem Jako getur útvegað. Þeir geta ekki útvegað blakbúninga eins og var búið að lofa. Áður en samningurinn var gerður spilaði Afturelding í flottustu búningum landsins, en núna spila þeir í ljótum hlaupabolum. Hún biðlar til aðalstjórnar að fara með þetta mál alla leið.

Fundarstjóri býður formann Aftureldingar upp.

Birna Kristín formaður þakkar fyrir góðar umræður. Hún kynnir fyrir fundinum að Hjóladeild Aftureldingar, sem hefur starfað undir aðalstjórn félagsins undanfarin tvö ár óski eftir því að verða sjálfstæð deild innan félagsins. Deildin þarf hvorki pláss né óskar eftir rekstrarstyrk og er að vinna gott starf í bænum.

Guðrún Kristín spyr hvort að deildin sé með stjórn, þar sem engin fyrir þeirra hönd er mættur. Birna svara að það hafi verið starfandi stjórn undanfarin tvö ár, formaðurinn er Arnar Sigurbjörnsson.

Fundarstjóri leggur fyrir fund stofnun hjóladeildar Aftureldingar. Stofnun hjóladeildar Aftureldingar samþykkt samhljóða.

10. Fundarslit

Birna Kristín Jónsdóttir, formaður Aftureldingar, þakkaði fundargestum fyrir komuna á fundinn og óskaði þeim góðrar heimferðar.

Fundi slitið kl. 19.00

Fundargerð ritaði Hanna Björk Halldórsdóttir